

IÑIGO GURIDIK UKATU EGIN DU ISTILUETAN PARTE HARTU IZANA, ETA HARRITUTA AGERTU DA LEPORATZEN DIOTENAREKIN

Ibarran zauritu gaztea espetxeratzeko agindu du epaileak, atentatua egotzita

Ibarran igande goizaldean ertzain batek balaz zauritu zuen gaztea espetxeratzeko agindu du epaileak, baina sendatu arte ospitalean egongo da. Gazteak, bestalde, ukatu egin du herrian gertatu istiluekin zerikusi duenik, eta, salatu duenez, ustez ertzaina zen pertsona batek parte medikoa aldarazi zien ospitaleko medikuei.

Aitziber Yarza / Tolosa


TOLOSAKO Mari Sol Garcia epaileak hartu zion atzo deklarazioa Inigo Guridi gazteari, Ibarran ertzain batek balaz zauritu zuenari. Deklarazioa Tolosako Asuncion eritetxean hartu zion, zauriaren ondorioz bertan egon beharko baita oraindik egun batzuetan.

Deklarazioa hasi baino lehen Alvaro Reizabal abokatua bertaratu zen, eta lehenago Inigo Guridirekin hitz egitea eskatu zuen. Abokatuak adierazi zuenez, hasieran epaileak oztopoak jarri zituen horretarako, baina azkenean baimena eman zion.

Ondoren, epailea, fiskala eta abokatua sartu ziren gelara Inigo Guridiri deklarazioa hartzera. Alvaro Reizabal abokatuak adierazi duenez, gazteak lagun batzuekin Ibarrako taberna batean zegoela deklaratu du. Bero zegoenez, kalera irten zirela eta 40 bat metrora istiluak zeudela ikusi zutela. Halako batean, tiro pare bat entzun zituztela, eta hirugarren tiroa entzutearekin batera hankan zerbait sentitu zuela eta gero odola ikusi zuela. Taberna barrura sartu eta bertan erori egin zela adierazi du Billa-bonako gazteak. Epaileak orduan zergatik dagoen atxiloturik galde-tu zionean gazteak zergatia ez duela ulertzen adierazi zion. Halaber, abokatuak buru estalkiren bat edo koktelen bat ba ote zuen galdetu zionean gazteak horrelako ezer ez zuela jakinarazi zien.

Atxilotuaren lekukotasuna entzun ostean, fiskalak espetxeratzeko eskatu zuen; eta abokatuak, berriz, aske uzteko. Azkenean, epaileak behin-behineko espetxeratze komunikatua agindu zuen. Espetxeratze autoan ez da leporatzen dioten gertaera zehatzaren berri ematen, baina kode penaleko 550 artikulua arabera, atentatu delitua egotzi dio epaileak. Artikulu horrek agintari edo funtzionarioei eginko erasoak aipatzen ditu. Behin-behineko espetxeratzea argudiatzeko, berriz, alarma soziala aipatu zuen epaileak. Sendatu bitartean Inigo Guridi ospitalean izango da, eta bi orduz senitartekoen bisita jaso ahal izango du. Hala ere, Alvaro Reizabal abokatuak jada iragarri du hiru eguneko epean errekurtsioa ezarriko duela.

Deklarazioaren beste zenbait datu ere eman zituen Reizabalek. Abokatuak esan zuenez, Billa-bonako gazteak salatu du ospitalean zegoenean Imanol izeneko ustezko ertzain batek parte medikoa hartu eta gustukoa ez zuela



Juan Mari Olanok eta Alvaro Reizabal Asuncion eritetxearen kanpoaldean komunikabideei adierazpenak egiten.

ANDER GILLENEA

esanez apurtu eta beste berri bat egiteko agindu zuela. Reizabalek horri buruz oraindik daturik ez duela jakinarazi zuen, baina ikertu beharko dela iragarri zuen, eta gertaera oso larritzat jo zuen.

Reizabalek gazteari azaldu zion, halaber, azken egunotan Herrizaingo Sailak leporatzen diona, eta gauzatu gabeko asasinatzea egozteko asmoa zutela ere azaldu zion. Reizabalek adierazi zuenez, Guridi erabat harrituta geratu zen leporatzen

Atxilotuaren lekukotasuna entzun ostean, fiskalak espetxeratzeko eskatu zuen; eta abokatuak, berriz, aske uzteko. Azkenean, epaileak behin-behineko espetxeratze komunikatua agindu zuen

diotenaren berri izan zuenean. Gaztearen aburuz, «gertatutakoa justifikatzeko» leporatu diote ertzainaren aurkako erasoak.

Bestetik, Guridiren senitartekoen telefonotik mehatxuak jaso dituztela salatu dute.

Ertzaintzak egun berean atxilotu zuen J.G.A. 21 urteko gazte tolosarra Gomez de Liaño epailearen aurrera eraman zuten atzo, eta lerro hauek idazteko unean oraindik deklaratzeko ari zen.

Guridi «epaiketarik gabe kondenatu» dutela salatu du Herri Batasunak

Herri Batasunaren aurkako «hitzak neurtzeko» esan die Olanok politikariei

Aitziber Yarza / Tolosa

JUAN MARI OLANO, Jose Mari Olarra, Karmelo Landa eta HBko Mahai Nazionalako zeinbait kide Asuncion erietxera joan ziren atzo, Inigo Guridi gaztearen egoeraren berri izan eta orain arte kasu honen inguruan gertatutakoa salatzen.

Asuncion erietxeko atarian eginiko adierazpenetan Olanok esan zuenez, «komunikabideek, Ertzaintzak, Martiarenak eta abarrek nahi izan duten guztia eta bost esan dituzte, eta gazteak

ez du defentsarako inongo aukerarik izan». Juan Mari Olanoren ustez, «inkomunikazioak horretarako balio du». HBko kideak salatu zuenez, «gaztea inolako epaiketarik egin gabe kondenatuta dago».

Ertzaintzaren jarrera ere gogor kritikatu zuen Olanok: «Urte urte argi ikusten ari gara Ertzaintzak erraz sakatzen duela katua, geroz eta errazago. Azken finean, tiroketa hori estaltzeko saioa dago hemen, jaietan zebilen gazte bat erruduntzat jotzeko saioa».

Bestetik, Olanok HBren aurka egunotan egin diren adierazpenak aipatu zituen. «Ibarrako alkateak, Martiarenak eta abarrek HBz izugarriak esan dituzte, gu gabiltzala hori antolatzen eta abar, eta hori dela-eta garbi esan nahi diegu hitzak neurtu behar dituztela hemendik aurrera, gure pazientzia amaitzen ari delako, Herri Batasunaren aurka edozer gauza esateko aroa amaitua dela eta kontu izan dezatela esaten dutenarekin eta egiten dituzten salaketekin».

Elkartasun adierazpenak Ibarrako alkatearentzat

«ENAMen eta HBren akats handienetako bat», EA alderdikoa eta beste alderdietako kargu publikoen aurkako mehatxu eta erasoak direla adierazi zuen atzo Gipuzkoako EAKo lehendakari Jose Julian Irizarrek.

Ibarran izan ziren atzo Jose Julian Irizar eta EA alderdikoa hogen kargu publiko inguru, Ibarrako alkate Maria Begoña Lopez Tolosako elkartasuna adierazteko. Irizarrek adierazi zuen «ENAMek erakundeetan zuten parte hartzea bertan behar utzi izanaren ondorioz eta de- euren jarrerak erabat gogor izanaren ondorioz, erakundearen aurkako erasoak neurririk gabeko lasterketa bati hasierara eman zaio, eta, bereziki, alkatearen aurka hiritarrentzat dik hurbilen dauden ordezkariak baitira».

Irizarren iritziz, hau da ETAK su-eten bat eskaintzen «une egokiena, bakea lortu ahal izateko keinu bat».

Gazte Abertzaleak, EAKo gazte erakundeak, elkartasuna adierazi dio Ibarrako alkateari. X